



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ex Recogniti||one Des. Eras-||mi Roterodami.||

Erasmus, Desiderius

Basileae, 1518

VD16 E 3644

Erasmvs Roterodamvs Candido Lectori S. D.

urn:nbn:de:hbz:466:1-14277



ERASMVS ROTERODA-

MVS CANDIDO LECTORI S. D.



VM HANC æditionem iam adornassem, cōmodum allatus est Suetonius, Aldinis typis excusus, sed emendatus opera Baptistæ Egnatiij, uiri cum primis tum integri, tum eruditi, nam utrunq; iuxta requirendum arbitror in eo qui ueterum lucubrationes emendandas aut explicandas suscipit. Equidem Aldi mei mortem, hoc fero moderatius, quod in hanc restituendi bonos autores prouinciam is successerit, qui de mortui per se clari gloriam, obscuraret, si tamen hoc est obscurare, uirtute uirtutem uincere. Atq; utinam ut Suetonium, Aurelium Victorem, & Eutropium dedit, itidem & Aelium Spartianum, ceterosq; huic adiunctos nobis dedisset, in quibus nos permulta restituumus, Nam omnia, qui poteram, nisi codicum antiquorum auxilio adiutus. Tametsi & in Tranquillo nonnulla restituimus quæ Egnatium licet oculatissimum suffugerant. Velut in Cæsare Dictatore Cap. 18. Eodem modo Nonium Quæstorem, quod compellari apud se maiorem potestatem passus esset, Modo expunximus ex fide uetustissimi codicis. Siquidem eodem hic aduerbium est, ut subaudiās coniecit. Sunt hoc genus & alia nonnulla, sed minutiora, quam ut operæ precium sit sigillatim recensere. Cæterum quod in Othone Egnatius legitur *gendum putat* τὴ γὰρ με δὲ καὶ τοῖς μακροῖς ἀυλοῖς ἀυλῆρ, ab illo dissentio, quod hæc ferè uerba Beroaldus ab erudito quodam admonitus ex Dione huc transtulerit. Neq; uariant hic quæ uiderim exemplaria. Tantum in nonnullis pro ἀυλοῖς uitiatum erat ἀσύλοισ. Legendum igitur haud dubie, τὴ γὰρ μοι καὶ μακροῖς ἀυλοῖς, id est, quid mihi cum longis tibijs. Qua de re copiosius nobis dictum est in Adagiorū Chiliadibus. In Caligula pro nec dicendi finem factū, restitueramus ex exemplari peruetusto, nec licēdi finem factum, etiamsi post comperi locum hunc à Budæo nostro correctum in Assē. Hoc admonere uisum est, quo plus ponderis habeat Budæana castigatio, quāquam ea nullius uetusti codicis præfetur auctoritatem. Porro quod in Augusto legitur, Δότε πρώτον, ὅ πάντες ὑμᾶς μετὰ χαρᾶς τὴ ποιᾶτε, Id est, date plausum, & omnes uos cum gaudio quippiā facite, in quo & Egnatius hallucinatus est. ego, ni fallor, & unus & primus restitui, idēq; ex qualibuscunq; uestigijs antiquissimi codicis. Legendum igitur ad hunc modum,

Δότε

LOCA SVETONII PER ERASMV M RESTITVTA.

Δότε κρότον, & πάντες ὑμᾶς μετὰ χαρᾶς κτυπήσατε.

Id est, date plausum, & uos omnes cum gaudio plaudite. Est enim uersus Trochaicus. Præcesserat autem in exemplari nostro & alter huic similis Trochaicus, aut certe hemistichion, sed figuris elementorum adeo deprauatis, ut quid scriptum esset non quiuerimus conijcere. Iam quod est in Vespasiano,

ὦ λάχης λάχης

οταρ ἀποθάνης αὐθις ἐξ ὑπαρχῆς εἰρήσῃ κήρυλος,

Si quid suffragarentur exemplaria, lubens legerim ad hunc modum,

ὦ λάχης λάχης

οταρ δ' ἀποθάνης αὐθις ἔσση κήρυλος,

Id est, ὦ Laches Laches,

At ubi mortuus fueris, rursus eris Cerylus,

ut ὦ λάχης λάχης sit clausula prioris carminis, cui succedit integer Iambicus trimeter, tamen si hac de re nolim contendere. Caterum de nūmorum analogia, si quid

à Budæo dissentit Egnatius, Portium suum secutus, quod nobis nec ocium suppetebat, nec ad hunc laborem proprie pertinebat, nō fuit studium excutere. Addidimus autem indicem, quo potissimum anno-

tauimus, si quid noue, præterq; superiorum autorum cōsue-

tudinem, aut si quid etiam Græcanice dictum est, ne

nihil sit lucri, quod lectorem ad emendum inui-

ret. Nec hoc tamen solum accedet, quin &

quicquid adiecit Egnatius, hic habes,

& præterea nonnulla, quæ nos

foli etiā restituiimus. Bene

Vale charissime lector,

& hisce nostris la-

boribus feliciter frue.

AN. M. D. XVII.